

觀
象
玩
占

卷之八



觀象玩占目錄卷之八

第三十六卷

經星

天柱總叙

雜干犯占

天稷總叙

雜干犯占

外厨總叙

雜干犯占

天紀總叙

雜干犯占

耀星總叙

雜干犯占

積尸氣總叙

雜干犯占

左轄右轄總叙

雜干犯占

長沙總叙

雜干犯占

酒旗總叙

雜干犯占

軒轅總叙

雜干犯占

內屏總叙

雜干犯占

天相總叙

雜干犯占

天廟總叙

雜干犯占

東甌總叙

雜干犯占

軍門總叙

雜干犯占

土司空總叙

雜干犯占

青丘總叙

雜干犯占

器府總叙

雜干犯占

拾遺

北極列宿總星占

恒星夜不見

恒星晝見

第三十七卷

恒星動搖

星閉

星變

客星妖星占

客星總叙

客星名狀

瑞星總叙

瑞星名狀

妖星總叙

妖星名狀

第三十八卷

妖星名狀

枉矢

天狗

雜妖星

候彗星法

日月旁妖星占

流星總叙

流星名狀

流星晝見占

流星干犯日月五星占

流星總叙

五星自流占

隕星總叙

隕星總叙

營首

第三十九卷

雲氣總叙

瑞氣

妖氣

日月旁氣

日暈氣占

第四十卷

日旁氣占

日中央工下四旁雜氣雲

月旁氣占

觀象玩占目錄卷之八

觀象玩占卷之三十一

天社總叙

天社六星右弧乘南社神也其星明直則社稷安動

搖失常則下謀上

雜干犯占

金火守犯天社社稷不安

客星入天社有祠事于國內出天社有祠事于國

外犯之社稷危國易主

彗孛出天社若犯之入除舊布新社稷再造

天稷總叙

天稷五星在七星南農正也取百穀之長以為其號
主百穀其星温温而明則百穀成歲大豐不明則
歲不豐星不具則歲飢亡不見則大飢人相食

雜干犯占

五星守犯天稷海中占曰有大旱穀不成大飢
客星入天稷有祠事于國內出天稷有祠事于國外

海中占曰守星守天稷五穀散出歲凶人飢久守
之社稷不安

流星入天稷五穀散出穀不成天下飢民流亡

彗孛出天稷歲大凶五穀不成人流亡社稷不安犯
入之社稷易主

外厨總叙

外厨六星在柳南祭祀燕享之厨也占與天厨同

雜干犯占

五星犯守天厨天官有憂 太白犯之有誅死者

天紀總叙

天紀一星在外厨南主知禽獸歲此凡所烹宰不天
幼不殺孕故處外厨之門

雜干犯占

金火守犯天紀天下禽獸多死 客星守天紀國政

亂

彗孛干犯天紀人不安居六畜疫禽獸有不育多死
者黑氣入掩天紀禽獸大疫六畜死耗

燿星總叙

燿星四星在軒轅西亦曰烽燿主烽火備驚驚急
其星不欲明而不歆亡小而不明則天下安靜明
大則邊廷有急動搖則外兵大人亡不見則戒在

守候之官

雜干犯占

金火犯守燿星邊廷有急 赤星入之天下烽火大動

積尸總叙

鬼中央白氣為積尸氣主死喪祠祀不敬明明則
兵起大臣誅

雜干犯占

月犯積尸氣賢臣女后賢反大喪謀臣憂糾彈之
官有憂 歲星犯積尸氣兵喪王者疾斧越用

填星守積尸氣其分積尸滿野

客星守積尸氣入主惡之

左轄右轄各總叙

左轄右轄各一星附軫兩方主王侯左轄為王者
同姓右轄為異姓星明大起兵遠軫凶轄舉夷
南侵軫無轄國有憂

雜干犯占

月入轄星將相庶子死 客星守轄星主車吏憂
五星客星守犯轄星南夷吳越主憂王兵起主喪
又主荆楚之分災

長沙總叙

長沙一星在軫中主壽命明則王者壽子孫
昌微暗細小乍見乍不見王侯有喜

雜干犯占

客星流星入長沙天下動搖

酒旗總叙

酒旗三星在軒轅右角南酒官之旗也主燕享
飲食其星明則多歡娛之事昏暗則天子以
酒失禮星亡則天子沉酒天下以酒亡

雜干犯占

五星守酒旗天下大酺賜爵宗廟有酒食財

帛之賜天子飲食失度則熒惑徘徊于酒旗

太白犯酒旗文曜鈞曰公卿有謀辰星犯酒旗

天下以酒傷物害財客星守酒旗天子飲食失

度荊州占曰天下大酺以酒食害財宗室賜爵

彗孛出酒旗主以酒過為相臣所害

赤氣入酒旗天子以酒喪身

軒轅總叙

軒轅十有七星在七星北黃帝之神黃龍之體一曰東陵一曰權星一曰昏昌宮主雷雨之神又為後宮后妃之含典內宮之內政以弼太微刑萬國其神南端明星女主也母也女主北六尺一星夫人也屏也上將也又北六尺一星次夫人妃也次將也一北六尺一星次妃也其次皆衆妃也女主南三尺一小星女御也西南夫所一星曰太民太后宗

也東南之所一星曰少民皇后宗也軒轅為女立之廷一曰天柱玉宮也張衡曰軒轅如龍之體以佐雷雨合陰陽震為雷激為電和為雨怒亂為霧凝為霜散為露聚為雲淫為虹蜺離為背玦為分抱珥軒轅主之石氏曰軒轅中與土神黃帝之舍也其星色黃潤澤大小有序則時和歲豐後宮多子其小星明與大星等則後宮爭妃妾上僭移徙出外則民流亡

從胡移徙入內則民火飢胡人來動搖就聚皆為
后夫人死喪女御去大星遠則女使有賊心迫近
大明則有賞賜若東西徙至大小民則王者淫佚
以賤為正東西角張而振則后族敗消小不見則
后妃不安星變黑則后宮多死者

雜干犯占

日入軒轅女主失勢中外乘之有逆賊女主憂
宮中
火災
月犯軒轅大星女主有變亦為人飢菴食之則女主

凶却萌日月乘軒轅端臣子反叛一曰后妃有反
死石氏日月乘犯軒轅大星民大飢大流犯乘小
星民小飢小流

月犯軒轅左右角大臣有誅死者犯女御女御有憂
御僕死乙巳占日月犯大民太后宗有誅者若有
罪犯少民皇后宗有誅者若有罪反為民飢犯其
端臣子反有亂臣臣失勢其所者以命推之

月暈軒轅有女喪有小赦 五星犯守軒轅有逆臣

有火災天下飢 犯大星女主憂 犯妃夫人死

夫人憂亦為將軍有憂 犯女御女御憂 犯太

民太后宗憂犯少民皇后宗憂一曰犯左右角大

臣當之 歲星犯軒轅有以女子謀主者一曰木

行犯守軒轅女主失勢曰大臣當之若有黜者期

二年玉曆曰後宮不安女犯太民皇后宗有誅者

民大飢大流 犯小民皇后宗有誅者民小飢小

流却萌曰木出軒轅有青龍出于宮中

歲星守犯勾已軒轅天下大旱飢歲星主農事軒轅

風雨之神 熒惑入軒轅用事女子當之又曰期

五月兵起火中犯乘守軒轅所中者死不則大有

憂火行軒轅中荊州占曰女主失勢 火守軒轅

黃帝占曰兵起期五月元命包曰主亂于色嫡妾

爭后氏曰宮中有叛者却萌曰女主惡之荊州占

曰地動文曜鈞曰主以女子而亡一曰宮中有誅

者期百二十日內 火留軒轅中后氏曰女子有

謀君守之二十日以上宮中火起天下亂國君易
政期三年却萌曰火留軒轅中十日以上為旱若
留之則宮中有誅死者 火經軒轅句已環繞之
后妃內亂一曰人主以惑后妃則熒惑展轉軒轅
中一曰君遠后而愛媵 火逆行守軒轅火星而
環繞之成句已天下大亂后妃誅死宮破主凶天
下易主期百八十日
填星行于軒轅中干犯之女主失勢有憂喪地烈大

夫有犯逐者五官有不治之者邑瘁為憂為病其
所在干犯者乘守之有誅若有罪 土居軒轅之
中石氏曰有以女子謀人君者

土守軒轅石氏曰大赦天下其氏曰天下大亂後宮
破散改政易主期三年

太白入軒轅文曜鈞曰四循起石氏曰有逆賊

太白出軒轅黃帝占必有白龍出于宮中 太白犯
軒轅后失勢有反臣有兵喪民飢禍起女主惡之

犯火星女主死不則大憂 太白行軒轅中大夫

有放逐者五官憂有所中犯各以所主命之 太

白行軒轅中貫其內而東出荆州古曰大臣出令

太白居軒轅中有好女以謀人居守軒轅兵大起宮

中有憂有女喪 守大星句已之皇后有急若憂

死一曰天下易主 辰星守犯軒轅女主憂有逆

賊兵起有所犯中乘守各以其所主命之

客星犯軒轅宗室有反者 入之有女子惑天子荆

州占曰美人有自經者却萌曰外夷有來降者出

之後宮失勢若有所守則各以隨其所守后夫人

妃嬪當之 守軒轅女主有憂石氏曰女將兵發

荆州占曰宮中有女子飲藥自殺者

青黑星出入軒轅皆為夫人妃嬪有子不成 守軒

轅大星若犯之女主逆天子若女子與人有奸事

一曰客星入軒轅有遠客來以女子惑天子者犯

軒轅美人柱死 客星逼近軒轅天子謀逆宗族

流星散出軒轅間宮中女子多讒亂 入軒轅后有
事乙巳占曰天子有子孫之喜

彗孛星犯軒轅則近臣族誅 出之后失勢一曰妃

嬪為亂入之后族亂守之二日天下大亂宮中閉

女主死人主有大喪國易政 蒼白氣入軒轅後

宮憂疾病 赤氣入宮中憂火

漢光武建武九年七月乙丑金犯軒轅大星十一月

金又犯軒轅軒轅者後宮之官大星為皇后金犯

之為失勢是時郭后已失勢見疎後廢為中山后

和帝永元二年九月金犯軒轅其年竇太后誅太后

失勢也

桓帝延禧七年八月庚申歲星犯軒轅火星十二月

乙丑熒惑犯軒轅第二星其八年二月癸亥星后

郭氏廢遷于祠宮死親黨皆係暴室

白屏總叙

白屏四星在中台之南軒轅之北執法平罪之官也

其星明則刑罰平微暗則獄不理

雜干犯占

流星犯內屏王者大憂

天相總叙

天相三星在酒旗南大臣之象主爵位及五色作服

之事其星明則相臣忠暗小則相非其才動搖則

相易芒角則相專恣星亡則輔相之臣有誅黜者

雜干犯占

五星犯守天相將相誅不則有黜貶者 客星出天

相天子有變令人之相臣黜 赤星入犯天相相

臣有誅死 彗出天相相臣有謀兵起 犯之相死

黃氣入天相相臣有喜 黑氣入天相相臣死不則病疾

蒼白氣入天相臣憂 赤氣入相臣誅 赤氣出相

出師

天廟總叙

天廟十四星在張南天子之祖廟也其星均明則

吉微暗失常則有白衣之會一曰有兵食兵不通
一曰天廟星色黃潤則吉蒼白有憂青黑則憂在
宮中

雜干犯占

金火入守天廟宗廟有殃 客星犯天廟軍道不通
井氏曰有兵馬多死若中犯守乘之有白衣會亦

為祠官有憂

彗孛出天廟宗廟改祀之宗廟
絕祀

東甌總叙

東甌五星在翼南主東越及南穿胃越裳諸國蠻

夷之星動則蠻夷有變芒角張則蠻夷叛

雜干犯占

金火守東甌其地有兵 客星入東甌其君以珠金玉

來 彗犯東甌蠻夷相攻有亡國出之蠻夷有亂

軍門總叙

軍門三星在青立西天子六軍之門也主營候其星

移徙則軍道不通

雜干犯占

客星守軍門軍道不通

土司空總叙

土司空四星在軍門南主土工主九城地界正疆理
辨風土土職貢來遠人其星均明則天下大同暗
小則德政不脩遠人離叛

雜干犯占

金火犯守土司空男子不得耕女不得織天下大亂
兵大起客星守犯土司空兵大起土工興人民

失業百姓愁愁國有火咎

流星犯土司空天下兵起人飢失業

青丘總叙

青丘七星在軫東南主東方三韓之國南夷蠻貊之
星也其星明大則四夷有兵動推芒角則蠻夷叛

雜干犯占

流星入青丘蠻夷來歸中國

器府總叙

器府三十二星在軫南樂器之府也主音樂律呂其
星明則樂和微暗不具則樂廢

雜干犯占

彗孛犯器府樂官誅黜 赤器掩入器府天下樂廢

拾遺北極列宿星占

攝提主節建令若移其處即兵起大臣死亡平道在
兩角間天門之中道五星日月常貫其中則天下
和平故不言奄犯若不由之而行則為臣不從君

命余火為武臣水月水為之臣

庫樓為兵庫中央之小星兵故寔則國兵勝空則兵
出月木入及流星出入皆為米貴人飢火入為旱
折威主斬戮胡月五星干犯皆為天子怒臣下懼金
火守犯災在邊臣將帥

東西兩咸玄防滙佚故有干犯皆為後宮妃嬪淫亂
因而疾病死黜土木犯之反為奄臣死黜

鏡閉主腹心喉舌之臣星不欲大明明則宮門不禁

亡則天下津梁不通盛明赤色則有內亂月奄則
宮中火災或在宗廟或為天子病或為大臣死或
為喉舌之臣構亂五星奄犯天子出必有殃流星
出入大臣災有口舌亦為闕官死

天市主國中市肆交易恒星明而市中星多則商賈
流通國家殷富及此則人貧國衰月入市中女主
憂疾市有火災火入門口不忠之臣被戮市中火
起大旱五穀不成有赦令五星入市中皆為旱澇

之災又為兵起流星入則五色以占之蒼白為萬
物貴赤為兵為疫為火災若有使者來言兵事

大角天子棟梁流星觸破之兵四合國有急君失

其位

天泣主太陰不歆其明明則火動搖則水大出不出
則津梁不通 月犯為江河溢又為大臣死土犯
為天下水溢 金犯為水兼兵且飢 火犯為水
且旱亦為民流亡

建星臨黃道為天之都闕 月奄犯之為將相死若

歲月相尅之日犯之則災及后

哭泣星主哭泣月五星犯之為國有喪亦為大臣死
若流星出入則大臣有哭泣事

羽林天軍星聚則國兵強動搖則兵起不見千里以
上則天下有兵月入之則大臣用兵死 五星入
之皆為將相有爭國而起兵致死

流星出入禁女賞賜犯之則大軍散無軍在外則兵
起 入之為大將出師 客星守之則軍大起

壘壁陣羽林之北恒移徙則兵亡

天廐馬廐驛舍也動搖則驛馬無閑者 月犯之驛
馬死 流星出入之天子御馬死色赤黃為進馬

離宮天子之側室暗則別室之貴人死火犯守有內
亂火守犯宮人死有火災星不見則貴人失其宮
以日辰占遠近

天困星明而黃則國儲寔暗則空月五星入犯皆為
旱飢流星入則倉粟出色赤則倉庫憂火蒼黑人

飢黃吉

天倉天廩天困天慶中小星皆故其明多則倉廩寔
大陵主天子陵墓日犯則人死而麻火以十入大旱
有兵喪有土木入飢金入有兵水入有水災皆為
人死 流星出入色蒼白天子園陵為水所敗

禁犯之則天子宗廟絕祀

積尸氣主死喪不歆其星明明則天下多死喪

不見則吉

卷舌主口舌天讒在其中明則讒諛得志

天船月入之犯百川溢天下船多匿五星入犯水溢

船貴船工得難流星出入有大水

積水主候水災明大則水大出其星動而上行

則船摩天

天闕月卷之大臣死五星入犯大臣為爭權闕門流

星出入西夷君死亦為夷人疾病赤色夷狄大旱

天溷客星犯之上瀾下濛

騰蛇水虫之長彗出之而水不節大水水虫為災敗

萬物不成人飢流亡水道不通天下隔絕流星犯

冲有龍見水虫受戮魚鹽貴

天大將軍流星出之兵起大將出且有大水入之大將驚出兵大起犯抵之則外兵來攻將軍有憂星

來之所為兵來之所彗出之則兵大起

大將行犯之則將死

諸王天子之宗室也月五星入犯宗室王族有死者

流星出入宗室有憂

參旗五星犯守為兵喪出邊兵動亦為大臣流星出

入則邊夷自相殘害以日走干方以辛酉日即為

西戎相伐亦為飢荒之災

九州殊口為遠方九土方俗合聚之地反為水中船

泊之市金水火犯守其處有兵飢以入日占其地

流星出入夷狄有災色赤夷狄兵起

狼星明動則盜賊蜂起太白犯之臣不忠以入日占

其分流星出入犯之夷狄將亡

靈臺與司怪同流星出色黃則賢人術士用青黑則

賢人術士死入之亦然

進賢流星出入色黃潤則夷狄來朝青黑則掌文者
死 扶筐彗星出入將作及

長垣客星入犯胡人大飢南極老人出黃氣國祚大
昌流星色黃白光潤出之天下大熟

天皇大帝主御群靈流星入之主君心恍惚煩燥不
安出之為發使之四方 華蓋正則吉不正為人

君信讒慧出守之天子不治朝政 六甲流星彗
孛干犯之皆為水旱不時太史職廢陰德星明則

太子代主文曰女主治天下

天乙光明潤澤則天子安 三台第六星如動 司法不平

策星亡天子殺黃門月星金火犯守之女主大臣殃

天高為占候陰陽之本月入之太史官有事天矢一

星主羽箭

野雞掌野外之禽獸則天下雞盡鳴亦曰如夜鳴則

凡雞始鳴天狗吠則天下之犬盡吠 耀主烽火

備急行掌四時改火

北斗暈不出三十日天下亂七年乃定

北極暈不出三十日臣謀君兵起三年乃定

女星暈不出五十日皇后亡國內亂三年定

房星暈不出五十日大臣為亂兵起主走四年定

胃星暈不出五十日大臣為亂兵起五年定

亢星暈不出三十日內兵起魏地三年定

觜星暈五十日內兵起趙地起三年定

箕星暈九十日內大兵起三年乃定在南方

畢星暈幽州兵亂三年定

室星暈兵從宮中而起主走出三年乃定

軫星暈主入夷狄作亂兵亂五年乃定

參星暈不出一百日內大兵起秦地亂五年乃定

星雜變占 恒星畫見占

恒星者經星也三恒二十八宿內外官之有名者皆

是也星非一星故概言之

恒星畫見兵喪俱作井氏曰是謂女主不出三年大

水洋洋女子為主一曰臣有奸心主不明天下縱橫而不可制一曰妃后大臣專恣諸侯裂土稱王星晝見與日爭光天下有爭帝星晝見虹蜺縱橫臣奪命北斗晝見君王絕嗣天下更紀
恒星晝不見

恒星夜不見天子失馭諸侯亂大權下移天下改政

雜星晝見

雜星者恒星與客星俱出卓別其何星也故但以其

晝見為兵一星晝見天子失道一曰臣逐君君失國王地二星晝見天子失道一曰皇后憂兵亡一曰有白衣間詐在宮中國內兵亂三年臣弑君一曰二邦相攻天下流亡三星晝見不出三十日兵起天子失國公卿大夫皆沒于夷狄一曰有三人爭帝四星晝見四方兵來伐主主出走天下亂一曰王族為近親所殺五星晝見君不君臣不臣父不父子不子夷狄為天下主

觀象玩占卷之三十七

星雜變占

恒星動搖 天星盡搖天下民勞

星閉 恒星閉天下大亂

星變色

天星盡赤而無光人主失勢國有大喪故曰星無光

有死王天無雲則用此占

客星總叙

客星者非常之星天皇大帝之使以告咎罰者也其
出也無恒時其居也無定所忽見忽沒或行或止
不可推筭寓于星辰之間如客故謂之客星為善
為惡所主不同觀其所出之日所寓之舍以占何
國視其五色以占何祥大抵星大者事大星小者
事小守日多者事久而禍深守日少者事亟而禍
淺行速者應速行遲者應遲其色青則為憂色赤
則為旱為兵為火色白則為喪色黑則為水為病
色黃則土工亦為有喜如芒角則為兵戰經曰客
星入列宿中外官者各以所出部舍官者為其事
近之者為其所謀以所守之日為其期以五氣相
賊者為其使云

客星名狀

客星一曰周伯大而色黃煌煌然所見之國兵起若
有喪天下大飢饉庶流亡人離其鄉 二曰老子
明大而色淳白淳淳然所出之國為害為惡為怨

見則兵起主憂宜以赦除咎 三曰王蓬絮狀如
粉絮色白拂拂然見則兵起有白衣之會其國飢
亡一曰王蓬絮色青熒熒然所見之國風雨不節
焦旱萬物不生五穀不成多蝗虫 四曰國皇大
而色黃白望之有芒角見則兵起國多災若有水
飢衆庶多疾人主患之 五曰溫星色白而大狀
而風動搖恒出四隅出四隅東南則天下有兵將
軍出野出東北當有千里暴兵來出西南其國有

喪兵起大水人飢出西北暴骸三千里又曰溫星
出東南大將軍屈服不能發出西北東北同

右隋志所載五客星其國皇皇與妖星國皇星名同
而狀與周伯星與瑞星周伯星名狀皆同而占異
今並存之

東南方有三星出之而色白者名曰盜星見之則天
下多盜賊 西南方有三大星出氣各長三丈名
曰積陵見則天下兵起隕霜不時穀貴十倍

東北方有三大星出氣各三丈名曰女帛見則天下
有大喪 西北方有三大星出名曰天狗見則天
下人相食

瑞星總叙

瑞星者亦客星也五行冲和王相喜合之所生也必
出于有道之君周伯晉志以為祥隋志以為妖未
知其旨今仍存之歸和入瑞氣以其扶言之則星
而非氣也故徒以入此

瑞星名狀

瑞星一曰星星狀如半月生于晦朔助月為明亦曰
德星大而中空或曰有三星在赤方氣與青方相
連有黃星在赤方氣中王者德至于天則見之
二曰周伯煌煌然所見之國大昌 三曰含譽狀
如彗喜則含譽射必有外國來朝貢者 四曰格
澤狀如炎火下大上銳色黃白起地而上見則不
種而獲不有土工必有大咎 五曰歸和如星非

星如雲非雲或曰星有兩赤莖上向有蓋下連星
見則必有歸國者

李淳風曰景星生晦朔或出于西北天門之上為入
月二三日或出月二十七八九日狀如星而中空
如魚星而不明或青赤白三氣聚如星如半月狀
出而不行必于四方王者日見周伯大而白色如
太白光瑩如月照地明或有芒角煌煌然不行或
如水星而赤色光潤澤或黃如橘背出而不行含

譽似有尾而不長亦不甚明有光而行不急格澤
如炎火上黃下白從地而上形如削竿狀如天狗
潤澤而明見則有大客者外國之貢使來歸者也

妖星總叙

妖星者五行之變氣也各見其方以為殃各以其出
之日占何國其出也必與無道之君為兵為飢為
水為旱為疫為喪為亂為賊各以五色占之甚微
又曰凡妖星之出形狀不同為殃如一其出也不

過一年若三年必有殃國屠城其君死天下亂兵
士亂行積尸流血之事餘殃不盡以爲水旱飢疫
之災又曰凡妖星長大者其災大而期遠短少者
其殃小而期近三尺至五尺期百日五尺至一丈
期一年一丈至三丈期三年三丈至五丈至十丈
期七年十丈以上期九年此其大約也審而察之
其應不虛矣

妖星名狀

一曰彗星亦謂之掃星本類星末類彗小者數寸長
或竟天見則兵起大小除舊佈新彗有五色各以
本精所主天文志曰彗本無光附日而化光故夕
見則東指晨見則西指在日南北皆隨日光而指
頓頓其芒或長或短光芒所及則爲災武密占曰
凡彗星短者爲飢喪長者爲兵亂 彗有行者有
止者事小爲行者事大爲止者各在其邦以五事
國分占之 彗見久者災深去速者災淺乙巳占

曰彗孛出行歷二十八宿晉舍其出是百日不去
三年應之百五十日以上五年應之二百日以上
七年應之

赤彗出之主滅亡武密占曰凡彗星見赤色者為臣
謀叛破軍流星大臣有以家事坐罪者一曰彗出

赤色滅五都

蒼彗出王族叛有破軍殺將蒼星五芒天子破兵一
曰蒼彗出破神明 白彗出之將軍而還一曰白

彗出之則臣專政 黑彗出之則江河決 黃彗
出之則女主而亂 一曰主亡

彗星氣白而長名曰白旗喪氣也視其歸所掃冲破
之下必有兵喪其國破亡 彗星上白下赤漸長
如矛及為兵喪 彗星東行而西止海中兵起西
行而東音羗胡入界南行而北指之天下死人有
其半北行而南指天下大水地陷或曰彗星東行
西而指吳越兵大起南行而西指得柄之國歲大

豐東北行而西南指大亂西行而東北指外兵入
北行而南指兵大起西行而東南指強臣為亂

乾坤變異占曰彗北行指南國有大殃禍起西戎亦

為大水東行指西外國人飢國中兵起東南行指

西北其國大熟子欲謀父之位西南行指東北所

指之國多病六畜死南行指北天下不安流血在

道不有大旱即有大水漂人西行指東塞北兵起

入中國一曰女子兵起又曰彗出坎指南大水且

大旱 出乾帝遣天下起指東南所出所指國大

亂人多病死大兵起流血大旱 二彗見天下一

歲再救一曰血滿流道一三彗俱出海內男子盡

死 四彗俱出天下至亡一曰四彗相連外指所

出之國大昌 五彗併出裂上稱王舊國主死新

亡 一曰二彗併見君臣相伐君弱臣強

彗星盡見所臨之國為河 彗出四尾天下之人逃

亡無所 兩軍相當而彗見得本者勝隨所指伐

之利 彗星犯月五星兵喪併起四夷交侵百姓
惶惶若有兵必大戰破軍殺將

二曰孛星彗之屬也偏指曰彗芒氣四出曰孛孛者
勃勃然非常惡氣所生內則不有大亂則外有大
兵天下合謀闇然不明有所害傷異子曰君若不
改孛星將出彗星何懼乎由是言之災甚于彗也
春秋運斗樞曰星孛東方將軍謀主孛西方孛胡
叛兵入中國孛南方天下兵起孛北方兵起者霸

夷狄內侵 三曰天棓一名覺星本類星本銳長
四丈出東方或西方主奮爭河圖曰歲星之精流
為天棓石氏曰天棓出其國名凶不可舉事春兵

三月必有破軍殺將并氏曰天棓見女主用事春
秋緯曰歲退而南三月生天棓陽就變萌亂戰兵
行所見大擾兵起 四月天搶雲狀如馬或曰天
搶左右銳長數丈本類星其出不過三月必有破
國亂君伏屍其辜并氏曰天搶出西南出北為處

長數丈左右銳赤色見枯骨藉藉又曰歲星縮而西南不出三月乃生天槍見則必有大兵喪
五曰天攬石氏曰雲如牛狀甘氏曰歲星縮西北不出三月乃生天攬本類星末銳長數丈巫咸曰
彗星出西方長可二丈曰天攬主輔制一曰天攬白小而數動出則其下人相攬石氏曰槍梃攬異狀而同殃殃之不盡以為水旱飢疾一曰天攬主殺伐見則兵起流血 六曰蚩尤旗類彗而後曲

象旗或曰赤雲獨見或曰其色上黃下白或曰雲若植藿而長或曰狀如旗旛可長二三丈其本有星見則王者旗鼓大行征伐四方不則国有大喪却萌曰熒惑之精流而為蚩尤旗主誅逆或曰虐王反度則蚩尤旗出或曰蚩尤之星出月左方日在丙寅熒惑將出而不出其未出三日有赤色之星出有赤方在其旁出而蚩尤之星長十餘丈其下有大戰一曰蚩尤主惑亂之方所見之兵起流

三年近七年 七曰天衝其狀如人蒼衣赤頭不

動見則臣謀主武卒廢天子出其宮星贊曰天衝

抱極泣帝前血濁霧暗天下寃 一曰天衝主滅位

八曰国皇大而赤類南極老人星去北三丈如炬

火主内寇或曰其下起兵兵強或曰外兵有兵喪

一曰国皇見有急兵春秋考異却曰国皇見東南

兵起天下急 九曰昭明象太白亡芒不行或曰

大而無角光乍上下下一曰赤彗分為昭明昭明

滅亡以為起霸起德之徵所之国多兵變或曰昭

明形如三足几几上有九彗一曰昭明太白之氣

也或曰西方有星望之去地約六丈白而有光杖

類太白察之中赤是謂西方之野星名曰昭明出

則大人凶兵大起一曰昭明下為天狗所下有火

戰名書曰昭明見霸者出巫咸曰西方有星大而

白有角目下視名曰昭明十曰司危狀如太白有

日或曰大而角兩角為爭爭之徵主擊強見則

日或曰大而角兩角為爭爭之徵主擊強見則

主失法豪傑起天子以不義失國為星之臣行主
德或曰白彗分為司危扶如太白數動察之而赤
見則臣下國相殘戮一曰司危出其下起兵冲不
利 十一曰五殘一名五鋒出其正東東方之野
扶類辰星也去地六七丈或曰蒼彗散為五殘如
辰星出角或曰星表有氣如暈有毛或曰大而數
動察之而青主華主是謂毀敗之徵亦為備急兵
起則主誅政有伯國有兵喪不利冲或曰五殘一
本為分而立期九十日奸興大亂不禁一曰五殘
木之變氣一曰五殘出自四藩虛太子有急兵或
曰五殘大而白一曰大而赤察之中青星表有氣
如暈 十二曰六賊出正南方之南方野去地六
丈大而赤動有光形如彗五殘六賊出禍合天逆
侵閔樞其下有兵不利冲或曰六賊火之氣也天
官書曰六賊形如彗白色長四十丈太白之精出
則天下亂 十三曰獄漢一曰咸漢出正北方北

之野去地可六丈大而赤數動察之中青或白赤
 赤下有三星縱橫主逐主刺主填星之精或曰水
 之氣也出則陰精橫逸兵起其下又為喪動則諸
 侯驚十四曰旬始出北斗旁狀如雄雞怒則赤
 黑氣象狀驚主爭兵或曰黃彗分為旬始為立王
 之題主亂主招橫見則臣亂兵作諸侯虐群猾橫
 怒期十月聖人起伐春秋考場郵曰旬始昭其下
 有立王玄冥占曰有如雄雞其色黃赤其名曰旬始

出則天下有兵其國不寧或曰常以戊戌日視五
 車天庫中有奇怪曰旬始狀如鳥有喙見則兵起
 大戰當其首者破亡攻戰不可逆之黃帝占曰旬
 始見天庫中所向兵莫能當巫咸日常以戊己日視
 之十五曰天鋒彗狀矛鋒天下縱橫則見一曰
 天鋒出必有亂臣戮死于下十六曰燭星狀如
 太白其出也不行見則不久而滅或曰主星上有
 三彗土出所出地邑亂有大盜不成有土工十七

曰逆星大如二斗器色白一名王星反曰王蓬狀
如夜光之火多至四五少則一二或曰蓬星出西
南長數丈左右銳出而易處見則不出三年有亂
臣戮死反曰所出大旱五穀不成人相食或曰蓬
星色白女粉長不過三尺出則有亂臣有亡國
十八曰長庚如一疋布着天見則兵大起或曰長
庚墜則化為石其下國主亡 十九曰四鎮星出
四野去地六尺餘化曰可四丈或曰星大而赤去

地二丈恒以夜半時時出十月而兵起其下

二十曰地維藏先出四隅或曰大而赤去地二三

丈如月始出見則下有亂無道者亡有德者昌或

曰四維有星望之去地可四丈赤黃搖頭狀類填

星是謂中央之野星多曰地維藏光一曰出東北

大水出東南隅天下大旱出西南隅兵起出西北

隅天下大亂 二十一曰昏昌出西北方中赤外

青赤氣環之見則天下兵起國易政先起者昌後

起者亡高十丈亂一年二十丈亂二年三十丈亂

三年河圖曰歲星之精散為天梧天搶天衝天循

國皇反登蒼彗熒惑之精散為昭明^昭蚩尤之旗司

司危天攙赤彗

填星之精散為五殘獄漢大賁絀流昭星旬始擊谷

虹蜺

黃彗太白之精散為天杵天附伏靈大敗司奸天狗

天殘卒起

白彗辰星之精散為枉天破女拂樞繞廷滅質驚理

大奮祀

黑彗漢景房著風角書有集星章所載妖星皆見月

旁有五色方雲以五雲日見各有五星所生

天恆星在角宿中月左方出日在甲寅歲星將出而

不出其與日合一十日其未出二日必有災雲蒼

赤黑三光繞之日見青色之星所指國消主死正

星變色而青期三年

天樓星在元宿中出月左方日在甲寅歲星將出而
不出其與日合三十日其未出三日必有災雲蒼
赤黑色三物厭日之青色星有兩面青方在其旁
出而生天樓之星長八丈若八十丈所指之國穀
大貴民大飢法星變色而青期三年

天輔星在太宿中出月左方日在甲寅歲星將出而
不出其與日合四十日其未出四日必有災雲蒼
赤黑色三物厭日之光青色之星有兩青方在其

旁出而生天輔之星長十丈所宿之國有立王者
亡地合星變色而青期三年

真令星在房宿中出月左方日在甲寅歲星將出而
不出其與日合五十日其未出五日必有災雲
赤黑色三物厭日之光青色之星有兩青方在其
旁出而生真令之星長六七尺若六丈所指之國
亡地殺星變色而青期二年若三年

天荆星在心宿中出月左方日在甲寅歲星將出而

不出其與日合六十日其未出六日必有災雲蒼
赤黑色三物厭日之光青色之星有兩青方其在
旁而生天刑之星所指之國勝不戰主死國亡伐
星變色而青期二年

天根星在尾宿中出月左方日在甲寅歲星將出而
不出其與日合七十日其未出七日必有災雲蒼
赤黑氣三物厭日之光青色之星有兩赤方在其
旁而生天根之星所指之國戰敗亡地危星變
色而青期三年

天槍星在箕宿中出月在方日在甲寅歲星將出而
不出其與日合八十日其未出八日必有災雲赤
黑色三物厭日之光青色之星有兩青方在其旁
出而生天槍之星長數丈所指之國受兵有破軍
應星變色而青期一年

端下星在牛宿中出月左方日在壬寅辰星將出而
不出其與日合二十日其未出二日必有災雲蒼

觀象錄
黃色三物厭日之光黑色之星有兩黑方在其旁
出而生端下星所指之國兵大起將死正星變色
而黑期六月若一年

商若星一名天嵩在牛宿中出月左方日在壬寅辰
星將出而不出其與日合二十日其未出二日必
有災雲蒼赤黑色三物厭日之光黑色之星有兩
黑方在其旁出而生商若之星長三四丈所指之
國大水敗兵起法星變色而黑期一年

天杵星一曰天林在女宿中出月左方日在壬寅辰
星將出而不出其與日合三十日其未出三日必
有災雲黃黑青色三物厭日之光黑色之星有兩
黑方在其旁出而生天杵之星長七八尺所指之
國破軍殺將令星變色而黑期一年

天麻星在虛宿中出月左方日在壬寅辰星將出而
不出其與日合三十五日其未出三日必有災雲
黑黃青色三物厭日之光黑色之星有兩黑方在

其旁出而生天麻之星長七八尺一日四五尺所指之國破軍殺將星變色而黑期六月

天社星一日天杖在危宿中出月左方日在壬寅辰星將出而不出其與日合四十日其未出四日必有災雲黑青黃色三物厭日之光黑色之星有兩黑方在其旁出而生天杖之星長十餘丈勺曲所指之國有兵主死伐黑變色而黑期二年

天棹星在室宿中出月左方日在壬寅辰星將出而不出其與日合四十五日其未出四日必有災雲黃青黑色三物厭日之光黑色之星有兩星方在其旁出而生天棹之星長五六尺所指之國破亡危星變色而黑期三年

天英星在壁宿中月左方與日在壬寅辰星將出而不出其與日合五十日其未出五日必有災雲黑黃青色三物厭日之光黑色之星有兩黑方在其旁出而生天黃之星長十丈所指之國破軍殺將

亡地應星變色而黑期三年

白藿星在奎宿中出月左方日在庚寅太白將出而
不出其與日合十日其未出一日必有災雲白赤
黑色三物厭物之光白色之星有兩白方在其旁
出而生天藿之星所指之國亡地主正星變色而
白期一年

藜星在婁宿中出月左方日在庚寅太白將出而不
出其與日合二十日其未出二日必有災雲白赤

黑色三物厭日之光白色之星有兩白光在其旁
出而生藜星所指之國有大喪大水國亡法星變
色而白期一年

膚色星一曰糞星在胃宿中出月左方日在庚寅太
白將出而不出其與日合三十日其未出三日必
有災雲白赤黑色三物厭日之光白色之星有兩
白方在其旁必生膚色之星長十餘丈一曰丈餘
所指之國內亂令星變色而白期一年

林若星一曰竹彗在昴宿中出月左方日在庚寅大白將出而不出其與日合四十日其未出四日必有災雲白赤黑色三物厭日之光白色之星有兩方在其旁出而生林若之星長十餘丈一曰七尺所指之國破亡死喪殺星變色而白期一年

彗若星在畢宿中出月左方日在庚寅太白將出而不出其與日合五十日其未出五日必有災雲白赤黑星三物厭日之光白色之星有兩白方在其旁出而生若彗之星長七八尺所指之國內亂亡地伐星變色而白期三年

彗星在鬲宿中出月左方日在庚寅太白將出而不出其與日合六十日其未出六日必有災雲白赤黑色三物厭日之光白色之星有兩白方在其旁出而生彗星長四尺所指之國內亂亡地危星色白期六月若一年

若星在參宿中出月左方日在庚寅太白將出而不

觀象玩占
出其與日合七十日其未出七日必有災雲白赤
黑色三物厭日之光白色之星有兩白方在其旁
出而生若星所指之國大戰必敗應星變色而白
期二年

觀象玩占卷之三十八

妖星名狀

蚩尤之星在井宿中出月左方日在丙寅日熒惑將
出而不出其與日合三十日其未出三日必有災
雲赤青黃色三物厭日之光赤色之星有兩赤方
在其旁而生蚩尤之旗星長十丈餘其下有大戟
正星變色而赤期二年
赤若星在鬼宿中出月左方日在丙寅熒惑守之將

出而不出其與日合四十日其未出四日必有災
雲赤青黃色三物厭日之光赤色之星其兩赤方
在其旁出而生于赤若星其下有大戰法星變色
而青期二年

天雀星一曰赤雀在柳宿中出月左方日在丙寅熒
惑將出而不出其與日合五十日其未出五日必
有災雲赤青黃色三物厭日之光赤色之星有兩
赤方在其旁出而生天雀之星所指之國敗亡今

星變色而黑期一年

天惑星在星宿中出月左方日在丙寅熒惑將出而
不出其與日合六十日其未出六日必有災雲赤
青黃色三物厭日之光赤色之星有兩赤方在其
旁出而生天惑之星三角若四角長三尺其下旱
兵起所指之國亡殺星變色而赤期一年遠二年
官張星在張宿中出月左方日在丙寅熒惑將出而
不出其與日合七十日其未出七日必有災雲青

赤黃色之星厭日之光赤色之星有兩赤方在其
旁出而生官張之星三角而勾所指之國主死伐
星變色而赤期一年

晉若星在翼宿中出月左方日在丙寅熒惑將出而
不出其與日合八十日其未出八日必有災雲赤
青黃色三物厭日之光赤色之星有兩赤方在其
旁出而生晉若之星所指之國破亡危星變色而
赤期三年若四年

天陰星在軫宿中出月左方日在丙寅熒惑將出而
不出其與日合九十日其未出九日必有災雲青
青赤黃色三物厭日之光赤色之星有兩赤方在
其旁出而生天陰之星所指之國亡應星變色而
赤期三年

析若星出月左方日在戌寅填星將出而不出其與
日合四十日其未出四日必有災雲黃赤青色三
物厭日之光黃色之星有兩黃方在其旁出而生

折若之星長五尺所指之國亡正星變色而黃期六年

天拂星出月左方日在戊寅填星將出而不出其與

日合五十日其未出五日必有災雲黃赤青色三

物厭日之光黃白之星有兩黃方在其旁出而生

天拂之星所指之國受兵法星變色而黃期三年

天程星在月左方日在戊寅填星將出而不出其與

日合六十日其未出六日必有災雲赤青色三物

厭日之光黃色之星有兩黃方在其旁出而生天

翟之星四勺而角中央有黃色星長四五尺所指

之國戰敗令星變色而黃期二年或三年

天樞星出月左方日在戊寅填星將出而不出其與

日合七十日其未出七日必有災雲黃赤青色三

物厭日之光黃色之星有兩黃方在其旁出而生

天樞之星三角而勺所指之國戰敗殺星變色而黃

期三年

天從星出月左方日在戊寅填星將出而不出其與

日合八十日其未出八日必有災雲黃赤青色三
物厭日之光黃色之有兩黃方在其旁出而生天
從之星長六七尺所指之國亡伐星變色而黃期
二年或三年

天伐星出月左方日在戌寅填星將出而不出其與
日合九十日其未出九日必有災雲黃赤青色三
物厭日之光黃色之星有兩黃方在其旁出而生
天伐之星所指之國大敗危星變色白而黃期五
年

天柱星一曰天上出月左方日在戌寅填星將出而
不出其與日合百日其未出十日必有災雲黃赤
青色三物厭日之光黃色之星有兩黃方在其旁
出而生天柱之星天下大亂所指之國亡應星變
色而黃期一年

枉矢星巫咸日枉死類大流星色蒼赤蛇行望之如
有毛日長數疋布着天見則以亂伐亂海中占曰
枉矢類流星望之有毛角長一疋布皎皎然着天

見天下兵大起期三年漢文志曰枉矢所觸天下
所伐滅亡之象也項羽救鉅枉矢西流物之直者
莫若矢今蛇行而不直象執矢者之不正此謂以
亂伐亂一曰枉矢黑軍不勇

天狗狀如大奔星色黃有色其止類狗所墜望之如
火光炎炎冲天上銳下圓如頃田處之天狗或曰
星有毛尾旁有短慧下有狗形者或曰星具狀赤
白兩有光下即為天狗或曰流星有光見如人而

墜無音若有足色白中黃如遺火狀名曰天狗或
曰西北有星長三丈如火而赤水金魚交曰天狗
或曰流星大如盤其後曰其中熒熒然如遺火名
曰天狗主候兵討賊或曰日將出反將沒之時有
五色之氣長數丈著天而行或如長虹或赤氣如
血從上墜下或從濁升于天中者天狗或曰有如
大流星從濁升天即落或倕火時或經天刻而墜
者天狗也或曰有如大流星赤色光照地炸六七

作聲而落者天狗也或曰有如大流星至中道炸
為三五或八九磔然有聲謂之天狗也或曰日出
沒時有二疋布着天流下有聲如雷久而方絕謂
之天狗或曰有星白如鏡有光墜下謂之天狗或
曰大流星赤色墜地山野皆鳴群犬奔吠者謂之
天狗或曰日出沒時或從天墜下大如椀如缶赤
如火光乍而有音如雷謂之天狗以上形狀不同
皆為天狗李淳風曰天狗出入濁間不出入列宿

墜地者皆為天狗不墜地流星也 天狗者五星

之氣出西南金火氣合為天狗見則兵起大戰天
下大飢人相食石氏曰天狗所下必有大戰破軍
殺將伏屍流血天狗下食之皆期一年中二年遠
三年各以所下之國占之又曰天狗下則四方相
射其君失地兵大起國易政戒守禦已正三十五
星即五行之氣所生其皆出月旁方氣之中各以
其所生彗星將出而不出日數期候之當其未出

之前而見依所生而言其災

雜妖星

彗星出東南亦曰拂星本有星末類拂見則其國兵
亂京房曰彗星三角三年消五角五年消九角則
九年亂乃消一曰拂星本類米星長可一丈其災
頭下垂狀如毛拂見則兵大起

掃星長者二三丈形如竹木披條其長三丈以上曰
彗星其名皆為掃除凶穢革舊布新無道之君受

殃荆州占曰妖星出牛女虛危間其狀如水其本
有四角此辰星之精也見則兵起大水其下多

死喪

天吊星狀如木色白長三丈其本有赤星見則人主
惡之一曰見于四維此謂有謀其歲兵發

天冠狀如小衣長三丈其本有黑色星出則天下寇
盜群起

天喪狀如直竹長二三丈其尾銳白氣長本有星見
則天子死若國主亡

掃出狀如本上有烏赤色此謂有憂其色黑者群臣
為賊所掃亡國

掃狀如直竹長二三丈赤色銳尾此謂出急令則見
之有兵戰

蓬掃狀如蓬本類太白長二三丈見則其國有兵亡

地大飢

杵星狀如杵^星其尾如掃長二三丈見則大將反人主
有凶

水中見西方氣在日旁則彗將出矣甲寅之日有
青方氣在日旁則彗將出此謂歲星之精將為彗
也丙寅日有赤方氣在日旁此熒惑之精將為彗
也戊寅之日有黃方氣為填星庚寅之有白方氣
為太白壬寅之日有黑方氣為辰星出則災在其
分及冲

日月孛妖星占

日在有青星仍有珥十日內亂臣逐君大亂三年

日左在星兄弟謀叛主 三星守日臣弑君 日

四角有星臣弑主大亂 彗在日旁太子為逆

衆星圍日名曰日入歲中天下謀奪君位 客星

見月中太子與將軍同謀篡逆 兩星夾月後宮

女與近臣謀逆不成受誅 衆星圍月賊入宮君

出走 三星聚月下君殺太子 二星在月下左

右角臣伐君出走三年 五星在月下后與臣私

通謀主位君出走有兵戰流血千里 彗星出有

天戈星出天中吏仰而觀之本類星末類彗長六尺

至丈見則天下兵起人主亡 天罰出中央仰而

視之正在人主長四丈出則其国有喪彗彗星有

角尾旁出狀如彗彗見則天下大旱千里地魚生

彗狀如吹火熒惑所生出則國以兵亡 瑞星出四

隅大如赤察之中黃數丈動長可數丈一日瑞星

者五星之變氣出與金木水火土合于四隅中央

出則天下兵大起 華蓋出四隅狀如環見則其

方諸侯失地

刁星一日墜星亦曰濛星遍天薄雲四方生黃氣各
長三丈許乍見乍沒尋皆消滅謂之墜星見則天
下兵起大戰流血一日遍天薄雲四方各有八氣
蒼白色長三丈許乍見乍沒謂之刁星亦曰墜星
夜有光色如旗長短少四面皆有而南最多皆有
亂兵之象非常之氣也 機星狀如炬火炎炎上
中漸高而隕見則天下大亂 折旦或曰昭明旦

橫出濁百丈天滑如衆馬聞躍曰反光

凡彗星之出歲星行東南六十日不還期六月彗星
出行東北方六十日不還期六月 梟星出行西
北六十日不還期六月 撓星出行西南六十日
不還期六月 蒼星出東乍西乍南乍北天狗出
以和去日計之 巫咸曰辰星出四季彗出却萌
曰太白與日合國舍七十日彗星出熒惑守其箕
三月彗星出荊州占曰歲星速行過宿則主彗星

陳卓曰熒惑守心期三十日彗星出 填星守心
期三十日彗星出齊伯曰填星出入留舍斗五十
日不下彗星出

凡彗星行列宿當先知逆順入宿深淺去之遠近守
之久速觀其五色察之動靜守久災重去速災輕
巫咸曰彗星出入冲外官各以所合宿名為其事
所往之方為所謀之國以其生之日為其期以五
氣相賊為其次云黃帝占曰常以五寅之日視甕

水中見西方氣在日旁則彗將出矣甲寅之日有
青方氣在日旁則彗將出此謂歲星之精將為彗
也丙寅日有赤方氣在日旁此熒惑之精將為彗
也戊寅日有黃方氣為填星庚寅之日有白方氣
為太白壬寅之日有黑方氣為辰星出則災在其
分反冲

日月孛妖星占

日在有青星仍有珥十日內亂臣逐君大亂三年

日左右有星兄弟謀叛主 三星守日臣弑君 日

四角有星臣弑主大亂 彗在日旁太子為逆

衆星圍日名曰日入歲中天下謀奪君位 客星

見月中太子與將軍同謀篡逆 兩星夾月後宮

女與逆臣謀逆不成受謀 衆星圍月賊入宮君

出走 三星聚月下君殺太子 二星在月下左

右角臣伐君出走三年五星在月下后與臣私通

謀主位君出走有兵戰流血千里 彗星出有衆

星園之臣謀逆七年

流星總叙

流星者天皇之使也五行之散精也自上而降曰流

自下而升飛大曰奔皆流星也星大則事大星小

則事小大害禍深小害禍淺有聲隆隆者怒之象

也行疾者期疾遲者期遲大而無光者衆人之事

小而無光者貴人之事大而無光者其人貴且衆

也出則內使出入則外使入也前小後大者喜事

也前大後小者恐懼也蛇行者好事也往疾者往而不返也長者其事久短者其事疾也乍明乍滅者賊成賊敗也小而多者庶民也甚大者貴人也又曰絕跡而去曰奔光跡相連曰流有所干犯者奄滅則貴誅罰之象宜以五色占之

流星名狀

流星尾長二三丈暉暉然有光照天其色白人主使也色赤者將軍使也視星所之知使所之 流星

色黃白有光從天而下者有音如炬火下地野雉盡鳴名曰天保所墜國安有喜

流星色青赤從天墜地其名曰地鴈所墜地兵起

流星色青赤有光長二三丈從軍上起軍中之精華也其名曰天鴈其國起兵將軍從星所之 流星

大如月暉暉然有光白色長竟天者人主之星上相將兵從星所之 流星大如缶其光赤黑有喙

名曰探星其所墜之鄉有兵居失地 飛星大如

彗若彗後皎然白前卑後高搖頭乍上乍下名降
后所下氏命不足 飛星大如彗者若彗前卑後

高後皎皎然白名曰頽頽其所從者多死亡削地

而不戰 飛星大如彗後皎然白星滅後白曲

環如車輪名曰解御此自相齧食其國人相食斬

爵祿 飛星大如彗若彗然後浩然白長數丈星

滅後白化為雲化流下名曰大滑所下有流血積

骨 飛星大如彗若彗然後皎白縵縵然長可十

餘丈而狀委曲名曰天刑一曰天篩見則將

軍均封疆

流星色青赤墜下有聲群鳥驚鳴野雉盡鳴有光照

人其下有大戰積屍流血不出三年

飛星大如彗若彗而竹絕跡色如烟火墜下所下有

喜 流星前如盤彗後皎然白雲入時施施然如

散金其所入宿受福期一年遠二年

火流星有音如雷望之如火光所至之地有戰破軍

殺將一曰見則四方相射 流星落落如連火有

光其下有戰 流星色赤後圓如車輪所指之國

兵將有外心 流星色黃其尾後如一尺練所指

之國有喜益地期一百八十日若一年

流星甚大色青赤色照地四旁若有赤光所至之地

五穀不成人飢 流星夕見前赤後白者大臣欲

謀國陰發使也視其所指占其所通之國

流星夕墜地光耀天下照垣牆皆明者所墜分野為

有大兵起一曰有霸王其所下有流血其分失地

大疫 流星入漢芒角散者帝王欲發大使寅尉

四方一曰八道賊欲起他邑一曰有卿相欲 走之 外國

流星前赤後黑者客軍敗也一曰徙其軍起者其軍

敗 流星赤色前方後銳映天者公卿宰相謀國

陰兵起天子失邦天下荒亂 流星大如缶若甕

中天曳尾者名曰大奸下有流血大臣起謀百姓

悲鳴天下大亂

流星晝見占

流星晝見竟天明者有陰謀臣欲奪其國誅殺賢
良遠期一年中二百日近百日流星晝落有聲野
雉皆鳴衆鳥盡驚者所下之國大兵起大戰流血
成川積骨如山王者大憂期三年中二年近一年
流星六七枚一時晝見下墜其分王者死一曰被迫
死其分大亂兵起流血一曰赤旱千里百里枯涸
王者滅

流星干犯日月五星占

流星映日赤地向日流者天下不安帝王易位人主
崩亡百姓逃竄九州荒蕪 流星映日前銳後方
者大臣弑主後宮大亂天下震驚日無光者天下
大疫人半死

流星晝見冲日臣下謀亂帝王受殃天下陰謀相奪
百姓流亡四海俱殃 流星光曜赫寔翳日王者
遇執期百日日無光期十日 流星冲月大臣有
事敗黜冲遠者大臣被殺人人受殃太子爲主

流星色白冲月皇后愛色赤星后病一日后宮口舌

大起天子大怒色青黑皇后死 流星蔽月之光

天子遣太使之他国 流星五色映天奪月光大

使發 流星獲貫月宰相為殺將所大臣兵起公

卿受死 流星四面一時刺月臣弑其君子弑其

父大女起一日四方有使還其使叛心離上

流星入月君憂失地兵起女主疾月無光兵起四夷

入侵中国荆州占曰臣謀主一日將軍戮死海中

占曰流星入月中不出其分國亡若星復出則亡

国復立 流星流月上下其国大亂 天無雲有

流星過月上下月光明潔者其国有喜

流星犯歲星其分使者被戮 流星抵歲星臣有逆

一曰相戮死却萌曰流星抵歲星歲星沒不見流

星反歲星入主死相出走荆州占曰流星反為歲

星入人主死相出走流星入歲星色黑相死其国

農荒色赤大疫天下飢色黃白足食

流星與歲星闕光却偃者其分君被辱使辱其殃
一日使中道被戮一日國君振雄鄰國悉辱

流星赤直刺歲星其分使被戮 流星貫歲星其分

守臣被害 流星色黃潤緩緩而行者首尾也端

直去歲一二寸沒其分君福鄰國來賓此霸

王之使也

流星冲熒惑其分君有福 流星光映熒惑鄰國有

大使至此猛雄之使也有奸謀若外客宜察而

防

流星穿熒惑而過熒惑無光其分君死國飢

流星抵熒惑其國旱飢一日天子有大行或曰國多

讒臣一日天子宫中被火 流星抵填星女主忌

之填星光明不動其分君有福國昌 流星光潤

緩行至填星一二寸而沒霸王之使也占同歲星

流星犯填星民多事色赤黑外國有奸人入國色黃

夷狄來貢 流星冲填星填有光不動國昌無光其

分君憂 流星拂填星而過色赤其分有兵白色

有喪色黑為水色青有疫且飢色黃則吉

流星犯太白其分兵弱無兵則兵起 太白無光將

相有憂一日大將死軍大敗 流星明潤前後光

銳穿太白而過王者德令行邦國寧軍有功大還將

流星抵太白太白沒不見流星反為太白國有憂令

將軍戰死有內兵 流星犯辰星天子令行一日

大水至水官憂 流星久辰星天下大水御史獄

官多死 流星犯辰星辰星不見外邦有邦使至

論得失欲直言一日使還振德 流星抵辰星辰

星不見流星反為辰星天下必有大亂

流星雜占

流星有芒角有聲者怒也以色占其吉凶以日辰所

及起所止占其處大抵色青為憂為飢色赤為兵

為旱色白為刑獄亦為兵事色黑為疾病為死喪

為水災色黃潤澤則為喜不則為土工事大以日

時休囚王相兼言之 流星大如彗為發謀事大

如挑以下為使事 流星有光尾狀如疋布蒼白

色者使星也 流星紛紛交行光曜人耳目人居

自貴視人如艸木臣民思欲離叛期不出二年石

氏曰流星紛紛交行不止天下兵飢人民流亡各

出其鄉不出三年 流星數百千枚四五行者人

君流徒也大星小星交錯而行者貴人與小民俱

也 流星交馳絡繹相屬有急使奔馳道路為百

姓流散 衆星並流者庶民離散也將軍舉兵隨

星所之勝流星不止亦為百姓離散若墜吾國宜

徙遷 流星從敵上徐徐來于我軍上而入有間

使來入我軍中 流星蛇行來入我國或軍上者

他國有奸使來有所貢獻勿信之 流星先明後

暗視其所起所止有叛者自滅 流星色赤所之

分有兵旱若炬光之大者德令 流星大而赤如

血光照地炬炸而有聲者天狗也無聲不炸者則

為旱也 流星大白如粉絮光有尾者大臣為使

潤者武臣為使不炸為喜炸作聲為病為兵

大流星見半途破為二三復流而沒此為一使出而
又一使奔之也 大流星赤而炸或青黑而炸入
內外官皆為所主者死如此

辰星坐法宿則為人主房將相南斗為宰相軒轅為
女主及大臣文昌攝提為大臣以是推之 流星
冲天天帝使也人主惡之 流星色赤從中天急
走入濁其所之方有大災 流星有音或大或小
或炸或不炸其所至之地守臣憂之也赤為口舌

爭競色白為喪為刑獄色黑為病為死喪青為憂
撓黃潤則為有喜其地赤為火災亦為有兵白為
人疫死黑為水青為虫為飢色黃潤為熟荊州占
曰流星以人定至夜半見者期以年後夜半至雞
鳴期以月雞鳴後平旦期以日占石流星見日中
甲子旬為東方丙子旬為南方庚子旬為西方壬
子旬為北方戊子旬為中央

五星白流占

乙巳占曰凡五星自流所在之分人民相戮土地荒蕪帝王之亡國滅身殃其星若流入福德之鄉當有聖人應運而興若然流入刑德之鄉君民俱受其殃破國絕世易姓改命有德者昌無德者亡

隕霜總叙

星隕者自上墜也凡星附麗于天猶庶民附麗于上也王者失道紀綱廢失下將叛去故星畔天而隕以見其象大星隕下陽失其位災害之萌也

凡流星所墜其國易政又曰當其下有戰場天下飢期三年又曰奔星所墜其下有兵列宿所墜滅其邦家衆星所墜衆庶亡又曰填星墜海水淡黃星聘海水湧又曰驥星墜而渤海决周衰星隕如雨天子微諸侯力政王伯代興更為盟主衆庶寡大併小帝王之政由此壞滅故隕星之災此之流星為尤甚也

隕星總叙

星隕如雨民去其鄉也其占為王者失勢天下易政

星墜為石其國君敗軍憂一日所墜有大兵流血

星墜為鳥獸其下必有兵 星墜為蜚虫其國將亡

星墜為金鉄有大兵 星墜為土有大水一曰大飢

兵起 星墜為水其地兵起 星墜為艸木有兵

其國亡 星墜為人而言吉凶如其言 星墜如

龍其國有大喪 星墜為沙兵起一曰大飢 星

墜如肉天下大飢國亡

星春墜武臣被害其歲不登 憂墜火水兵起國易

政 秋墜大水兵起 冬墜其國主亡

星畫晦墜其下有兵覆師喪 奔星所墜其地有

破軍殺將

營首

大流星隕于軍上謂之營首亦曰營頭之星不有破

軍必有死將圍城而有星落城上者城破也

雲氣如壞山墜于軍上者亦曰營頭所分覆軍流血

三千里

觀象玩占卷之二十九

雲氣總叙

周禮眠祲氏掌十輝之法以觀妖祥辨其吉凶一曰
祲謂陰陽五行之氣浸淫相侵也或曰抱揖皆瑞
之屬如虹而短是也二曰象謂雲氣威形象如赤
烏夾日之故也三日鑄謂日旁氣刺日形如童子
所佩之鐃也四曰監謂雲氣監臨其日下也五日
闔謂日月食或曰光脫也六曰膏謂膏膏不常光

明也七曰彌謂虹蜺彌天而貫之也八曰序謂雲氣若山而在日上也或曰冠冕皆瑤重疊次序在日旁也九曰際謂帝氣或曰虹也詩所謂朝隤于酉是也十曰想謂五色氣有形可想而知也

瑞氣

瑞氣一曰慶雲亦曰卿雲商雲若烟非烟若雲非雲郁郁紛蕭索輪囷是謂慶雲亦曰景雲此謂之景雲也太平之應二曰昌光亦如龍狀聖人起帝

王受制終則見

妖氣

妖氣一曰虹蜺亦曰日旁之氣也主惑心主內淫主臣強謀主太子誑后妃專恣妻不一二曰祥雲如狗赤色長尾見則為亂君為女喪一曰祥雲其狀如狗或二三或四五相隨而行所見之國有矣

日月旁氣

一曰冠珥赤氣曲覆如日月之上則為冠珥者冠帶

之象天子立侯王封建親戚以為藩屏色白為喪

純赤為兵天文志曰青赤色抱在日上小者為寇

見則國有喪事 二曰戴青赤氣橫在日月之上

隆隆微起為戴青戴者德也其德有喜一曰氣立

在日月之下為戴其分當有益土進爵推戴之事

五色鮮明潤澤則吉純青為憂純赤為兵白為喪

黑為疫天文志曰日戴者形如直狀其上微起端

星圖曰人君德至于天日則戴氣 三曰色青赤

氣短小而在日月旁為珥其色黃白如主惡之又

曰青赤氣圓小而在日月之旁則為珥也石氏曰

日兩旁有氣短少中赤外青其名曰珥珥者似言

珥在兩旁也 四曰抱赤青氣灣曲向日為抱抱

者扶抱向就之象也日月有抱他國有來降附者

亦為有子孫之喜王朔曰氣向日月之暈扶如短

為抱抱者多來親附者衆多也天文志曰日旁氣

如半環向內為抱臣下忠誠輔主之象兩軍相當

得花者勝 五曰背青赤氣曲如背日月者背叛
乖離之象天文志曰青赤氣如月初生扶背日者
謂之背見則有反者兩軍相當背所在之方敗
六曰璫青赤氣曲向外中有橫披欲似仙字一曰
璫缺之象也一曰形如帶珥在日月四方又曰如
弓形而有牙其占為君臣不和上下傷缺兩軍相
當所臨者敗王朔曰璫者決也璫者臣下急也形
如背微小而鉤為璫見則有反者 七曰直青赤

氣長及丈餘正立在日月之旁曰直者其分有立
者為王又曰短為珥長為直 八曰交青赤氣杖
如兩直相交在日月上下左右曰交交者淫悖之
氣也主有淫行則高氣見恒以八月上丙候之日
日旁有之赤雲其下有兵又曰日旁有兩氣相交赤
雲其下有或相貫穿或相向背皆為天下大兵起
亦為內亂居不和 九曰提日月兩旁有赤雲屈
曲如鉤向日內有牙出之名曰四提如玦珥而曲

長不出其年兵起王者死亦為亡地有自立者一

曰氣形三角在日月四旁為提日暈而向外外臣

叛向內內臣叛荆州占曰日旁有四白雲曲而向

日四方曰提見則有立者 十曰纓青赤氣小而

交于日下為纓 十一曰紐青赤氣兩邊交曲而

雙重為紐一曰青赤氣小而圓或一或二在日月

之上下左右為紐見則人君納寵妾纓紐同占十

二曰承青赤氣如半暈在日下為承承者臣承君

也又曰日月有黃氣二三氣如抱狀名曰承人主

者有喜得地 十三曰履青白或青赤氣如履在

日下為履一曰青赤氣立在日月下為履青皆喜

氣也一曰日下有青赤氣如履為之履天子之喜

外国有^未歸者 十四曰格青赤氣橫在日月上下

為格格者格開之氣其名為有兵戰 十五曰戰

青赤氣長而斜倚日月之象為戰戰者戈戟相傷

之象其占為安起 十六曰暈珥氣間周匝圍繞

日月內赤外青其名曰暈有軍在外則為軍營之象對敵者暈厚而鮮明久留者勝在東東軍勝在西西軍勝南北亦如之若周匝而無厚薄則我軍與敵等也無軍在外而暈者亦天子失御人民受將叛日月暈共戰不合凡日月暈七日無風無雨則兵起京房曰日暈有軍在外者則客勝夏氏曰日暈而明有兵兵起不戰凡兵發而日月暈有厚薄則得厚者勝漸減則留者勝十七曰負青赤

氣如小羊暈狀在日下為負負者抱勝之類也如抱短小者見則人主有喜得地

日暈氣占

日暈者五色喜也日暈五色再重天下有喜日暈得王色其国有喜不得五色有憂日在黃暈風雨以時物賤人安黃暈再重公卿不職工役煩興不出一年穀傷民起兵日有青暈不出有旬有大風大寒米粟大貴民疾病一日歲見貴再倍五

見五倍以上大飢黃青暈再重不出六十日兵起

一日外戚親族內亂王者憂亡地 日有黑暈大

水傷五穀敗室宅糴十倍三旬乃止一日災在用

事之臣黑帝再重內亂貪財不出三旬大水人流

不出其年憂霜冬雷其下國大敗 日有白暈

歲多暴雨暴風春雪霜民多病狗多狂白暈再

重所見之國多風雨民不安穀貴不出九十日有

白暈赤色其日有大雨雷震殺人畜且有火熱道無

行人赤暈再重所見之國有蝗虫百日旱穀貴盜

起 赤暈三重兵大起四重五重 下兵起大飢

人主憂 日暈青黑女主憂 日暈中赤外有群

臣親附外赤中青臣外其心 日暈黃濁黑暈動

搖為惡風雨不時動搖為有憂病不則有暴惡之

合 九日暈色青為飢為憂色赤為旱為兵色白

為喪色黑為水為病色黃而潤為喜黃燥則為旱

為風 日暈再重其分有攻戰一日其國有殃一

曰天下有立王不則有城京房曰有德之君得天
下夏火曰日在重暈攻城圍邑不拔 日重暈中
赤外青臣有和謀不成日暈三重諸侯王反女起
穀傷天下憂期三年或曰有兵有拔城期三日有
反臣一曰國亂民飢兵期三年止日暈四重攻城
圍邑軍破敗軍野有反臣有亡國有亡王日暈五
重國有女喪 社稷受殃是謂棄光其歲兵飢其
國敗亡期三年日暈六重國政反常兵起國亡日
暈七重中國弱夷狄強有急兵至日暈八重士人
亂天子傷日暈九重天下亡日暈十重天下兵荒
人民邊邊改立君王以上各以其日所在辰及星
宿國分占之 日有交暈立大夫為將軍交暈無
厚薄交爭力勢均有厚薄者勝交暈居上者勝一
曰日有交暈人主左右有爭有兵在外則戰又曰
日有交暈而爭先戰者不勝 交暈貫日其下有
破軍死將客敗交暈抱日候其光滅之處徒其處

攻之勝 交暈如連環兩國爭地有立王亡國兵
在外兩軍皆動 日暈兩旁不合主謀不成日暈
不匝暈所在兵起在東東軍勝南西北亦如之當
其空面者敗 日兩旁暈相向者風殘五穀

日半暈其國相有謀 日半暈如鼎蓋有欲謀如視

者 日半暈東西向夷狄及入國南向北東夷入

及因北夷向南夷歆及中國 日有半暈再重民

和歲吉以日宿命國 日暈如車輪之半軍在外

者罷無軍在外則兵起 日半暈中央廣兩頭銳

徒有處擊無處勝 日暈如井幹如車輪其國皆

以兵亡 日方暈天下不和兵起其國敗 日暈

先起如先滅者當其方者敗後匝而後滅者當其

方者勝 日暈如甲乙憂火丙丁日臣不順戊己

后族盛庚辛將相不利壬癸臣辛政日以庚子日

暈有赦令 日正月朔旦暈其分小熟 正月日

暈春不可起兵 日以正月若五月一月之中九

暈以上道多熱死人一曰有熱死將一月之中三
暈軍分為三 日始出而暈其国有死君不則有
亡帥 日始出其上有暈如車輪其日有雨
朝夕暈是謂失城有兵主人不利

日有珥孝經曰人主有喜為拜將若有子孫一曰日
珥有風一曰女子戒之 日朝有珥其氏曰純白
為喪間赤為安間青為病間黑為水間黃為喜乙
巳占曰日朝有珥国主有耽樂為事其不可行女

主戒之不則有憂 日夕有珥赤黑白有大客有
軍在外者而日珥也為喜而軍相當軍歆和解珥
臨所臨者喜在日東東軍勝在日西西軍勝南北
亦然敗處可知也無軍在外者而珥為拜將 日
珥北方以及三方必有疾雷 日左珥人居有陰
私事 日右珥人居以重宮人婦女事 日右珥
色青黑夷人起兵邊邑有叛者 日左右有黃珥
国有赦令 日珥而張人主有憂聽于外 日有

兩珥且有大使 日兩珥熒熒有光人君有喜

日兩珥中赤外青或兩珥色黃色白潤澤者皆為人
主有喜 日有交珥聚一方兵起軍在外者罷

日有四珥天子立侯王亦為子孫之喜期不出三年
京房曰出日四珥將軍亡入日四珥有大兵 日

朝五珥國憂兵起 日有六珥其氏曰是謂大提
不出六十日其分有喪若有赤雲掩日之下有亡
國多珥臨日有兩客來言北方事日珥中有赤雲

貫日名士死王朔曰兩軍相當日珥等無相柰何

日黃抱君得地洛書滴玉辟曰日抱黃白潤澤中赤
外青天子喜有來降者軍在外不戰敵臣軍敗色

青將憂色赤兵爭色白有喪色黑色將危 日三
抱天子喜色赤黃白皆吉

日四旁各有重抱四方信附 日旁^抱五重戰頓抱者

勝 日旁有黑抱戰勝無軍有欲和親者夏氏曰
兩軍相當日有兩抱齊等光衰者敗同時而消則

無勝負 日旁而其中旁黃氣如人狀者人主有
賢佐 日有背其分有攻城叛將邊將欲去善防之
背多者反者多也 日兩旁俱有背四方俱有反
者 日有瑠臣謀反日旁有一瑠萬人死其下四
瑠五瑠反者如瑠之數 日旁有一直有一人欲
自立四旁皆有欲自立者夏氏曰占者有黃白居
立臣有青赤直臣自立又曰日直者中赤外青白
立者不成黃白潤澤者成

日旁有交從所繫者敗 日有四提不出其年有大
兵大飢有大火大雨則災不成 日六提布貴天
下大亂人主惡之

日冠而珥人主有喜且有所立乙巳占曰日冠而珥
天子有私事在珥之方珥在東則事在東他倣此
日下曉冠而有兩珥色黃白潤澤天子有喜聽言立
王者王朔曰日貫而有兩珥最吉 日冠右珥后
氏曰邦西有善人出為佐 日冠左珥后氏曰邦

東有善人出為佐一曰君與婦妯私通知 日冠
珥上下石氏曰邦南北有善人出為佐

日抱有一珥色黃白潤澤中赤外青平旦至食時見
天子有喜日中至日入時見色蒼白為憂有從外
來以喜事告者不可信 日珥外有抱人主子孫

昌 日抱有兩珥天子喜有黃氣如月名曰遺德
太子喜一曰有太子喜 日重抱有珥在左右有
來降附者 日抱三重有兩方黃色皆黃白潤澤

天子戰勝外兵敗者來降珥方者兵也 抱而順
珥為喜日多抱珥則國內懼而和洽 日戴而珥
天子有德賀子孫之喜 日重戴左右珥之天子
得地若有所立 日戴且冠不中日者名曰附日
赤而外青色且有黃潤澤天子有臣暴得寵者
日而珥有直出珥中中赤外青色黃白潤澤天子有
珠寶喜立侯王 日纓而珥後宮有喜

日一抱一背為破走抱順而背送順抱擊者勝故曰

破走無軍在外而一抱一背者臣不和 日重抱

且背順抱擊者勝得地 一曰抱且珥臣有順有

送抱所以在背順背所在者送

日背而內有瑠色中黑外赤大臣反天子有大憂亂

從中起 日有背瑠在日南及其三方國有反臣

日背瑠重累小人畧地大人爭時洛書滴亡辟曰日

背瑠并出顛倒相貫天下作禍天子戒 日有四

背瑠臣射主又曰國內亂兵起 日背瑠有芒刺

向日內為亂外勝向外為內勝

日有二背一直大臣欲自立 日有背瑠四直交其

中臣欲為邪色中青外赤有芒刺為送中赤外青

無芒刺為謀此其數見則國危 日抱再兩珥一

虹貫抱至日順虹擊者勝 日重抱左右兩珥有

白虹貫抱擊者勝一虹得一將有二虹得二將

日重抱有三白虹貫抱至日順虹擊者敗軍二虹將

殺大將一虹殺偏將 日重抱左右二虹有赤虹

貫抱順虹擊者得二將二虹得三將三虹得三將

日有二直二抱款自立者不成順虹擊之勝 日上

有冠三重日下有直虹不出一年立貴人放其年

小熟有小兵天下不安 日抱且背日瑯送順相

恭抱多則順者多背瑯多則送者多抱明而久皆

瑯不明而光滅則順勝以是推之凡有抱者以攻

戰送抱擊之勝芒刺外則內勝芒刺內則外勝抱

明厚有芒刺皆則送者滅背瑯明而抱先去則忠

臣受殃他倣以 日重抱抱內外有瑯且珥軍中

有和不相信以戰順抱擊之勝 日重抱內有瑯

順抱擊者勝亦曰軍內有反者 日抱兩珥且瑯

二虹貫抱至順虹擊者勝

凡虹貫而珥宮中多事後宮忿爭七日不雨審發宮

中一曰有拜將一曰有立侯王一曰天子更令一

曰主有謀事在外外軍悔一曰貴人有罷國有謀

反者 凡虹貫抱皆為大戟流血 日暈而珥于

軍上將軍易一曰有破軍珥貫至有偏將

兩軍相當日暈而珥光舉者敗戰則珥所在之方勝

日暈右珥王侯有喜人主有私事在後宮 日暈兩

珥不出六十日有大喪 日暈兩珥有謀反者

日暈兩珥平等俱起而色同者兩軍勢等厚潤先明

偏者所當有喜 日暈而珥如車輪其國亡兵一

曰日暈左右珥皆如車輪者兵起其國亡城兵滿

野而城復歸 日暈而珥如并幹其國亂有兵大

戰一珥為一國兵戰二珥二國兵三珥三國兵同

攻其國一曰日暈有珥在暈中一珥為一主將將

如珥之數 日暈如珥有雲穿之天下名士卒多

死亡 日暈而珥白雲掩映天下有兵大 日暈

兩珥下有黃雲人主有喜期百八十日

日暈兩珥黃雲貫之不出三月人有死者 日一暈

兩珥有白雲貫之出國多妖孽有大疫大喪 日

暈兩珥聚雲其中其城圍 日暈而兩珥在外中

若外有聚雲不出三日城園中出戰 日暈中而

兩珥將亡改立侯王一日有反者 日重暈兩珥

有兵爭 日重暈暈口有珥天子有喜 日暈三

重而珥国有反者 日交暈而珥天下兵起有兵

則罷 日暈且抱石氏曰王者有拜謁若立侯王

有德令有大赦 日暈且戴人主有德令 日暈

而負其国有喜得地 日暈重有四員國內亂三

日內雨不占員者赤青色青如半暈扶著暈上也

日暈員且戴国有喜戰敗戴所擊者得地 日暈而

冠且戴天下有立侯王若自立者其分益地

日暈且戴有兩氣如珥雲中赤外青其名曰琪色皆

黃白潤澤有猷寶玉奇璧者 日暈而冠且纓有

喜兩軍相當則為和解 日暈有冠兩珥有纓貫

珥中下交日下天下有名之臣死不出三十日有

赦 日暈有冠珥且紐人主有喜 日暈而有抱

抱為順王若有喜子孫吉昌政令行兩軍得抱者

勝 日暈有抱貫暈內在日西西軍勝在日東東

軍勝南北如之 日暈四抱天子有喜將相和洽

遠人來歸 日暈有珥而不順君臣乖離臣外其

心其國兵起或曰有近臣兩軍相當得璫者敗也

一曰日暈而璫有又者其端出暈之從內外又曰

日暈有璫萬人戰死其下先舉者敗一曰日暈有

背兵起其分大戰失城背所在有反臣皆在東東

軍叛南西北亦如之兩軍相當皆所在之方敗

乙巳占曰日暈有暈軍不合戰有叛皆為暈中外

叛在暈外外叛一曰日暈有背在暈外將民者亡

日暈有背在暈內其端出暈反從內出事成不出其

年事不成又曰日暈有背在暈中是謂不和其色

外青內赤忠臣受命主有所之兩軍相當則為軍

中歆天降于外者 日暈而有有背將死君亡背

在暈中臣皆主命 日方暈如井幹而上下聚聚

背將叛軍亡 日暈而抱且珥有抱易上將

日暈而外者有珥且抱圍城者擊 日暈而暈中有

珥一抱受圍者勝 日暈有六珥抱黃白潤澤內

赤外青天子有喜軍不戰而有來降者色青將喜

色赤將安爭色白將有喪色黑將死一日赤抱有

降者攻城大勝 日暈旁有兩珥下有抱天子有

喜得地 日暈四抱白氣干之其端青赤妃與臣

謀共為送 日暈有直在兩旁其国有自立為侯

王者封賞其左右南軍相當而有暈有直直所在

之方勝若戰宜居其厚而擊其薄 日暈有直為破

軍負中日為將 日暈外有一直臣欲自立內赤

外青則成內青外赤不成 日暈有二直有二人

欲自立明者成色黑不明者死一日赤中青外者

或青中赤外者不成 日暈外有直而赤黃白氣

承之則為自立 日暈而有三直有欲自立者不

成 日暈而有一抱一背兩軍相當從抱背擊者

勝 日暈而抱且背得抱勝 日暈一抱一背為

不和信者更送而不信者順 日暈有重抱且皆

順抱擊者勝得地 日暈一背一瑯臣有反者出

暈則事成 日半暈一背一瑯有奸謀不成

日暈有四珥在暈內外內臣叛在暈外外臣叛 日

暈中有兩背兩瑯又有半暈臨日有反臣中起不

成 日暈有三四五六背瑯其端盡出者從內起

反 日暈而有戴且有抱珥其色皆內赤外青光

色獨明者其國有喜 日暈而珥有兩背瑯在暈

中其國戰不勝而有兵從中起 日暈暈中而有

兩珥背瑯有叛從中起不成 日暈有四珥四背

期六十日臣有兵謀有急事關閉不行使天子更

令 日暈上有珥日背有兵兵入無兵兵起

暈有珥赤雲如破軍車輪向日為內提內臣叛背

日為外提外臣叛 日暈而抱且瑯得地者勝戰

則順抱擊瑯勝 日暈重抱內外有瑯兩珥順抱

擊者勝 日暈而抱且珥夷瑯有虹貫之順虹擊

者勝 日暈而冠三重日下有虹長數丈不出其
年有反臣有兵飢貴人絕亡後

日暈再重而有兩珥白虹貫之有反臣兵大戰屍橫
滿野天子大憂

日暈再三重兩珥其国有叛兵亡其市邑

日有交暈而珥天子兵起有兵在外者罷交暈不匝
其當空者敗

日暈而有一抱一直一珥人主喜且有所立 兩軍

相當而日暈有抱有背有珥有直而有虹貫之皆
宜從虹而擊之 兩軍相當而日暈有珥冠及纓
者皆為和解抱戴則為有喜

日月無精光有赤青暈虹蜺背璠而在心度中是謂
大邊必有大兵大喪其国大殃

觀象玩占卷之四十

雲氣日旁氣占

日暈有聚雲在旁色黃白吉青白兵行黑白內亂青

赤兵解青黑兵強流血 日暈有雲氣從外入者

外兵入從出中者內兵出圍城而雲氣外貫外暈

入者外兵戰勝從內貫暈出者城中兵戰勝

五色同占

日暈有五色雲如杵貫入從外入外人勝從內出內

人勝無軍在外為兵出入亦為有相謀者

日暈有聚雲不去三日兵起其氏曰日暈有聚雲從外入不出三日城圍

日暈有聚雲如羽毛臨日不去其國有大兵憂

日暈有雲如人在暈中背日者臣叛暈合不得去暈

不合則脫去 日暈有雲如人在暈中向日者忠

臣受命出使還在暈外遠使還得玉色者同有喜

不得玉色者有憂

日暈不合有雲如人在暈外似相就者城不勝

日暈有雲氣如卧人在暈外其國敗在暈中軍憂在

暈外臣憂死 日暈不合有雲如牛從暈上未入

暈于有叛臣 日暈有雲氣如牛入雲貫中不出

三日寇入城無兵外防奸客

日暈暈中若外有雲氣一死蛇屬暈大將死不利先

舉者 日暈中有赤氣如戟臨日其下兵起下

日暈有赤氣如四豹交日中中國君亡 日暈有赤

氣如建旗貫日大旱三年 日暈旁氣有赤雲兩
頭銳其下萬人戰 日暈有赤雲氣如節如旗狀
在外亦曰彗无之旗兵且内起 日暈有赤氣貫
日中臣賊主赤甚者以兵不甚者以樂
日暈再重有赤雲從中出暈外天下兵起 日暈有
黃氣承之得地不出其年 日暈有雲氣如鐸文
潤澤外入有文書喜至從中起天子使以喜事出
枯乾者不明則有憂事

日暈有雲氣如樹居暈上兵起軍勝一日不出三日
有兵入城中 日暈旁有雲如懸鐘將死如幢如
節如壞屋所在之方軍敗散 日暈有白雲如車
蓋臨其上攻城則城降

日暈有白氣陵軍有兵在外大戰順氣者勝 日暈
有白氣抱暈在右相對兩軍不勝各謀送 日暈
旁有雲氣圍如日狀内兵有謀叛者 日暈旁有
青黑氣如來掩日有賊破營預備勝 日暈有銳

氣如絳四出国君亡地分裂以日宿古之

日暈有白虹貫日虹所起有反者 日重暈有白虹

貫之圍城則客勝 日暈有白虹貫日圍城所起

擊其所指破軍殺將若虹貫暈不至日順虹擊之

得小將虹貫日暈外從所出處順虹擊之勝

日出而暈有虹主人分地日入而暈有虹諸侯分地

日暈而有二虹貫暈有兵起客戰勝 日暈而有二

三青虹從外貫暈順虹戰勝 日暈有四五白虹

從內出貫暈城中人出戰勝 日暈六七重有白

虹貫徹之不可圍城城中人出戰勝 日暈而日

中為出見軍敗居死期三年

白蝕而有有暈白雲氣風冥者后妃謀主天下大亂

凡兩軍相當必謹候之日月暈氣如珥其起止遠近

遲疾厚薄大小枯澤長短抱背多少有無虛實久

幽相應等者勢等近勝遠疾勝近大勝小厚勝薄

長勝短澤勝枯抱勝背多勝少有勝無實勝虛久

勝函密勝踈重背大破重抱為和親抱多則相親者多背多則天下不和背于外者離于外背于內者離于內也

凡占分離相去赤內外青以和順相去者內赤外青以惡相去日暈明久內赤外青外人勝內青外赤內人勝外黃內黑內人勝內黃外黑外人勝外白內青外人勝內白外青內人勝內黃外青外人勝內青外黃內人勝內白外黃外勝內黃外白內勝

日暈周匝為勢均偏厚為福偏厚東東軍勝在西

西軍勝南北亦如之

日暈黃白兵不戰而未解青色和鮮分地淳黃為土工人不安色黑有水陰因勝

凡日暈外青內赤為順宜城內赤外青為逆宜守凡攻人戰者遇日月暈謹視之有雲從外入急隨雲破之勝若有雲從中穿暈而出宜防城中兵出

日暈形如日人主信讒用佞而遠賢臣日隳和少

入進用 日暈散如花其分破亡日暈上下繼絕
不相續將軍妄行刑罰枉死于軍日暈于曲上垂
三重向下軍人妖言將相惑而軍相當日暈如毛
向外射主勝客不勝多妖言

日中央上下四旁雜雲氣占

日中有雲氣如人行者臣害主兩主爭 日旁氣如
龍啣日光如人臥背日其下有友臣 日旁有雲
氣如虎守日大將謀亂 日旁有雲氣相交如蛇

其下有賊宜防之

日旁有雲氣如人相持或如人牽日其下臣叛 日

旁有雲氣如臥人有死將 日旁有雲氣如牛守

日其國兵亂 日旁有雲氣如馬守日有兵戰

青鳥守日司徒欲為不道伏虎守日天子貪 天牛

守日國發兵 天馬守日賊傷百姓 青鳧守日

臣謀主上曰天子慎飲食 日旁有雲氣如人行

兩國兵戰臣謀主 日旁有雲氣如戟向日開口

臣叛其居棄國而走 日旁雲氣如赤虹貫日下

有反者 黃龍貫日有交兵 黑龍貫日有大雨

水 日旁雲氣扶如蛇如馬中青有反者 日下

雲氣如雨青鳥相向人主憂 日下雲氣如青赤

鳥散人相謀宜急設備 日下有黑雲氣如蛟龍

其日有雨在日上者同 日下漢有氣如車輪鳥

亂或如人披甲如走或如虎躡背為大將叛

日旁氣如雨鳥向日人主以暴虐遭禍 日旁氣如

臥人如懸鐘其下有死將 日上下回旁有雲氣

如車輪相隨有大水

日下有氣如青外向三日兵出 日旁氣如人頭如

旌旗如懸鐘皆為兵起流血雲氣如斧向日君以

無礼受殃 日上下回旁有雲氣如博局小臣謀

主期一年 日旁有氣青白如鏡圓明者其下賢

人隱 日上下有青氣如以出軍戰必勝

青雲潤澤從西北來開日必賢舉良 青雲疾來從

橫貫日有奸入城營 青氣三道貫日国有謀

將軍失其位 日旁有赤氣如席捲人戰死其下

日旁有赤雲曲如車輪其下必有兵亡地 日旁有

赤雲氣如幕夾日其下不宜先舉兵 日旁有赤

雲氣兩頭銳其下不宜先舉兵

日上有赤雲如雄雞不出三日其分有兵喪

日將出時有赤氣在日上有佞臣在君側赤雲氣如

布捲日為有大戰以日宿占分其兩君相當有赤

氣如席如布來捲日其下大戰 日下有赤雲氣

如死蛇其日分大疫大飢 日旁有赤氣如衆樹

有兵起勝 赤氣掩日下有亡国必有大戰

赤雲如鳥啄日兵起国君惡之 赤雲如雨鳥掩日

其下国君亡 赤雲扶日其下兵起 赤雲相交

隨日而留如車輪臣背其主一曰其年兵起 赤

氣如直日宮中有聞者亡 日旁有赤雲二道向

日其分有自立者 日下有赤氣形如懸鏡先舉

兵者敗 日上有赤氣客軍將死 日下有赤氣
如鋒刃兩在旁破軍殺將主人受其殃

赤雲如虹與日俱出所臨之國兵起 黃氣抱日輔

臣納忠 日上下有黃氣君有喜日將出未上有

黃氣如半暈覆日人主有德令 黃氣貫日二子

爭與衆兵起禍陵天子

白雲廣二尺在日東西不去兵起國憂 白氣自下

上君將憂 白氣圓日有亡城 日上有白氣如

揭幟旗天子有喜其分君亦有喜 日下有白雲

氣如懸弓大亂兵起一道一亂以數占之

白氣貫日軍在外將死無軍人主當之

白氣交錯貫日而過軍不和失律 黑雲氣貫日臣

謀逆有罪在外客將死 黑雲氣如狸皮掩日臣

專權軍在外戰不利有屠城 黑雲氣入日有大

雨 日始出有黑雲氣貫之或一二或三四不出

三日必有暴雨不雨則有害主者并火日以九上

丙日候之日旁有交雲其下兵起 日四方雲五色新見其下国有謀臣不安主旁有氣直上貫日皆為宮中有聞 雲氣如杵長七八尺長及丈餘掩日臣犯上入之其国主死色赤以兵雲氣如錐刺日君死于賊

四時上日有雲氣如虎守日以五色占如花克其時令者臣不利于君 日出沒時有雲氣橫截之白為喪又為驚三日內有雨則已 赤氣随日出有

憂随日没外告急

日旁氣如虹貫日青為疫五穀傷赤為臣有欲反者白為兵起黃為交爭黑為大水一曰白虎如虹貫日君亡臣伐興 五色氣如虹貫日白衣為會其下謀亂赤氣則其殃甚

青氣赤如虹與日俱出所臨国大有憂 赤青黃氣如虹在日旁居屈如車輪或二三或五六此天之數氣也名曰天殃其国兵旱疫疾俱起 青赤氣

如暈十字界日下不出五十日夷兵伐中國居出

走大亂三年 日垂氣如虹中天而下至地其下

兵大起 日垂青足所有疾 日垂黑足將軍亡

日已出歆入之天雲皆赤黃色其名曰日空其下必

有移民而去者 日入照天赤雲四方赤盡大旱

兵起久旱而有赤雲遍天照映天山谷則來日有

雨 日影如蛇敗國亡家

凡日月旁氣去疾者禍福皆輕留漸久漸重党日

連夜則禍福俱大也

日旁氣占

日有戴不出有日人主有喜月有珥色青為憂色白

為喪色赤為兵色黃為喜色黑為亡地

日有兩珥下國起兵在外者則勝

月有四珥其下國安有喜高宗占日月十五日有兩

三珥其國有喜四珥女主憂不則天子有立諸侯

日昏而珥天下兵大起不出六十日荊州占日月昏

而珥有半喜 月夜半而珥邊地有急

月有白珥其下城降 月左有珥臣與君青衣北宮

奸 月右有珥臣與君青衣南宮奸 月冠兩珥

有大風人主有喜 月有背珥臣欲為奸者其色

青中外赤外有芒刺為送 赤中青外無芒刺則

為謀送數見則國凶 日月有背珥臣有縱放相

殘天下宜備左右

月戴且珥不出一百日人主有喜 月有抱為順有

背為逆抱且背為不和臣有欲為忠者亦有欲為

和者 月有四璫不暈臣下有謀不成

月有四提天子無後其下國有憂 有六提天子遊

行天下 九月暈而珥皆為兵起不暈而珥則有

喜 月暈謂之逡巡人君之政和平則月終歲不

暈天下人安 月暈者臣下專權之象月暈則受

冲及所在之國皆不安 九月益月七日仲月八日季

月九日之夜皆當月暈暈不以其日不出三日內

當以大風暴雨不則為兵災之日月暈七日無風
雨則兵起土工興

月暈黃色將軍有喜益祿進爵 月暈赤而有光天

下起兵攻城 月暈中赤外青群臣親附外赤中

青臣有外心 月暈閉者其國君背約

月暈東向風敗五穀向西且雨風害五穀北向為水

南向者旱風 月暈正偃天下有兵兵合無兵主

凶 月暈明主者自將兵 月暈再重有大風起

月暈三重天下起兵有拒臣有亡國 月暈四重天

下易主一曰其下國亡 月暈五重女主死不則

有大憂 月暈六重國失政天下有喪 月暈七

重天下有急今天子有憂 月暈八重以至十重

兵起流血天下更主 月暈一重下缺不合上有

冠戴旁有兩珥白暈連環貫珥國有大兵大戰流

血其地紛紜期不出一年 月暈再重有赤雲繞

之如杵冲之有軍在外大戰萬人死其下 月暈

再重有背有反者背在內私成于內背在外私成于外 月暈三重其外赤而中濁不散者軍會聚 一曰月暈三重天下兵起土工與相死女主憂 月暈三重赤雲貫之其下國亡 常以十二月八日 候之若暈再重有大風女起災在內女親用事 月有兩暈不合其月有水 月有交暈赤色有光其 國不出三年被兵 月色黃有交暈所在國受兵 月色黃白有交暈一

黃一赤一宿國益土不出年中

交暈而貫月有軍相守沒貫擊者勝殺將 日暈如

連環兵起爭地 月暈連環一二至四五皆女主

昌 月暈三連環接五色天子溺愛寵妾上僭以

妃為后后族盛強其國危亡其色黑來年大水五 穀不勝赤色為兵為旱

月一歲有連環暈至四五其色青赤或赤黃潤澤皆 為女主昌歆為國祚 月暈如連環有白虹干暈

不及月貴人有陰謀作亂有白會宮中多怪

月有白暈連環接北斗其國大兵大戰流血其下亡地一曰月暈連環北斗魁大臣下獄流千里

月暈連環及三台五車北斗文昌皆為女主昌人主溺後宮有喜亦為有赦令

月暈而魁天子有喜多大風 月暈而珥兵起戰從珥所擊者勝一曰月暈而珥有大水有女喪

月暈一理得珥之國失地 月暈西珥先起者勝

月暈不合有兩珥其國有水不出一月 月暈有白色上將戰死 月暈兩珥有白雲如虹或白虹貫之天下有大戰以日宿占國

月暈有抱色在暈外外人勝在內內人勝 月暈有

玦臣叛兵起 月暈一重下缺上貫旁有珥兵起

月暈有虹蜺乘之以戰從虹所往勝

月暈有虹蜺直指破軍至月破軍殺將

月暈有白虹貫之兵大起將軍野死 月暈而有赤

雲如火其地圍城降

月暈有白氣從外入攻城者勝從白赤城中兵出勝
月暈有雲如布或三或四貫暈外月有兵從之來勿
當之戰當之者必敗

月暈有白氣交橫貫月大將暴亡軍勝 月暈有白
雲如杵抵月不出其年有女喪 月暈有雲貫蔽

月不出其年國有殃喪

月暈有流星出暈中其國貴人走有流星入中暈臣

走在外者還 月暈而有流星交入暈中或落月

上下其分國亂暈而不風大至起兵

月暈天無雲有流星過月上下其國有喜 月暈而

流星橫度暈中諸侯有亡國失地亦曰其分有王

侯之喪 流星從月暈出其國有憂赤色有拔城

黑色破軍 月環暈有流星入之其外國有使來

出之天子後宮得子孫流星色白黃潤明為善

月暈有客星在月北北國勝在月南南國勝軍在外

月暈軍上光色鮮明者戰必勝

月以正月三日暈所宿分所小熟五日暈大熟二日
暈有土工荊州占曰月以正月八日九日十六日
八日夜有暈者其年三月有德令十一日夜暈大
早十二日夜暈蜚虫多死二十三日二十四日夜
暈五穀不成二十五日二十六日夜暈梟貴

月以正月八日十二日夜暈國兵盡出有軍在外則
罷 月正月上旬一暈樹木虫死二暈之禾稼三

暈雷震物五暈天下更主六暈有亡國七暈有暈
道路多死人武密占曰月以正月上旬三暈大赦

在明年一曰月正月三暈民間歲惡荊州占曰一
月三暈王者自將出行 一月五暈至九暈其國
亡地十暈以上天下更改五月中月至九暈道上
多熟死人 月以正月甲乙日暈人疾疫丙丁日

暈旱戊巳日暈大水壬午與庚辛日暈大兵壬癸
日暈江河洪溢 月春暈木日夏火日秋金日冬

水日四季土日皆為其地有殃主死国乱

月以庚戌日直暈有赦所謂夜者自子至日出自日入至亥皆其所至日夜也他倣此

月暈圍角元大人將軍有憂 月暈圍角元氏天下士卒死圍角虫亦多死

月暈圍角元氏房心五宿以丑寅月有大赦圍四宿小赦 月暈圍心房心石氏曰有德令却萌曰其地有疫 月暈圍房心天子国兵起廟堂

月暈房心而勾氏宿大赦 月暈房心已及箕大風動地 月暈元及心尾四足虫多死不出其年国易政山崩 月暈尾箕人疾病

月暈圍箕斗從東方北方來勝從南方來者不勝正

月月暈圍箕北斗五穀不成 月暈南斗大將易 月暈圍牛女工絲絮皆貴十倍牛多暴死 月暈圍

虛危有兵謀不成 一曰兵起宗廟動 月暈圍室 璧風起大水且至寡婦嬰兒多死其地有謀不成

一曰土工大興 月暈圍奎婁其地大病水虫多
死 月暈圍胃昂人多腹疾 月暈胃昂有德令
不則有反者兵起 月暈昂畢參有救不出三年
人主有憂 月以太歲在所日辰暈早至五車及
一星小救及三星至五星大救

月以建子之月暈昂至參盡及五車皆在暈中有大
救不盡入有小救期在來年五月

月暈圍畢觜參弓弩貴

月暈圍參井多冰霜

月暈圍至翌軫在外軍歲亡其偏將 月暈圍軫角
先起兵者不勝有救期一百八十日

月暈圍井鬼其年不和一曰旱

月在角暈圍北斗大臣有誅者 月暈環北斗魁第
星第二星天子立妃為后一曰北国有未歸者

月暈圍北斗柄三星有大風雨不則大臣有死者黜
月暈環天市房心貫孛市有火天子宫中防火

月暈圍昴畢五車參井水羊五穀熟女主恣 月暈
貫北斗輔星大臣下獄

月暈圍天獄翼軫少微三台女主大盛喜在後宮

月暈圍北極五帝內座專權謀蔽主明天下不安其

兵起 月暈圍紫微垣門至文昌有赦令 白暈

貫月五者惡之

白虹貫月大兵起大賊將死又曰為不臣

赤氣貫月在夏為旱在秋民則不安在東女主有喜

在春年內五穀成

白氣貫月在春災在女主有白衣會在夏大水在秋

為風在冬人主納妃為后

黃氣貫月四時皆為主女盛強

黑氣貫月四時在夏有滂女主不安春秋冬皆為雨

水不則其月內陰 青氣貫月在冬春女主大昌

紫氣抱月上下遍有女主大昌不利社稷

黃氣繞月上下或如虹射月或穿月過或月工下有

五色雲氣簇月或月暈五色四色鮮明光彩或月生黃氣高一丈二丈以至五丈之上或黃氣如暈團月皆為陰盛陽衰人君重子女色輕和稷此氣數見則女主得政政在後宮

月暈赤白青色或赤黃色或純黃色如暈者或月在黃光四散或紫赤黃光射月者皆為人主欲立妃為后政在後宮 月始生而黑氣貫月者名曰緋雲或一或二不出三日則有暴雨

月始生時有雲居其中扶如禽獸者其名曰綦甲乙日見東方受其害丙丁日見南方受其害戊己日見中央受其害庚辛日見西方受其害壬癸日見北方受其害

月下有人相隨是謂惡成其下國分侯王當之月下有氣如飛鳥其分無居 月上有赤黑氣臨日

當其地必有亡軍 月旁有白雲如杵抵月六十日內有戰破軍殺將 月暈有多赤雲如人頭兵

起如之必有大戰流血兵起黑為大水

月旁有白雲一蒼雲黑雲各一或二或三大如厚布

抵月有圓城拔邑 青雲刺月是謂賊害主受其

殃五穀不成 赤雲刺月是謂仇賊 黃雲刺月

女主有憂 白雲刺月其下君亡 黑雲刺月是

夕陰雨 黑雲繞月女主災 黑雲如暈圍月或

射月皆為女主不安七日內雨不占

凡月暈有非常色氣皆為后妃有謀

凡月不暈而有抱色冠戴承履者皆吉數見者居安

臣順君當之一曰女主吉昌

月四時壬癸日有暈皆為大水

凡日暈黃紫或紫氣或黃赤氣立日上或繞日或日

出入而常有紫雲或黃雲氣輝光射地日光大明

皆為君安國昌之象日暈者陽精盛而抱日故有

玉色即為喜氣月為女主承君者也陰盛則侵陽

非常之氣不宜常見是喜在后天非社稷之福也

卷之二

子也

若

...

